



Parlamentarni vojni povjerenik BiH razgovarao s delegacijom Odbora za bezbjednost i odbranu Skupštine Crne Gore

Parlamentarni vojni povjerenik BiH Boško Šiljegović razgovarao je 7.6.2017. s delegacijom Odbora za bezbjednost i odbranu Skupštine Crne Gore, u kojoj su bili predsjednik Odbora Obrad Mišo Stanišić i članovi Odbora Luid Ljubo Škrelja i Miodrag Vuković.

Vojni povjerenik upoznao je prisutne sa aktivnostima Ureda parlamentarnog vojnog povjerenika BiH. S tim u vezi naglasio je značaj realiziranih terenskih posjeta jedinicama i komandama OSBiH, kao i saradnju koju ovaj Ured ima sa Zajedničkom komisijom za odbranu i sigurnost BiH.

Predstavnici Skupštine Crne Gore ocijenili su da je djelovanje institucije parlamentarnog vojnog povjerenika BiH veoma značajno, s obzirom na to da je Bosna i Hercegovina jedina zemlja u regionu koja je sistemski riješila pitanje zaštite osnovnih ljudskih prava i sloboda profesionalnih vojnih lica i kadeta u OSBiH.